

Bi 2023 Aen Langhbaij Lijyouz Cunghgoz—Dunghmungz Bozlanjvei Youq Gveilinz Haimuq

2023 中国－东盟博览会旅游展在桂林开幕

10 nyied 13 hauh, Bi 2023 Aen Langhbaij Lijyouz Cunghgoz—Dunghmungz Bozlanjvei youq Aen Cungsimeicanj Gozci Gveilinz haimuq. Baez hozdung neix hawj Cunghgoz—Dunghmungz dauq guh lijyouz dox baedauq, doengh aen gihgou youq Cunghguk caeuq giyez cib aen guk Dunghmungz daengj 37 aen gukgya caeuq dieg rogbiengz camgya langhbaij. Dieg langhbaij gvangq 5 fanh bingz-fanghmij, dwg gaiq langhbaij ciemq dieg ceiq lai ndeu. Miz giz yawj lijyouz vwnzva ndawguk, giz baij

ok doxgaiq lijyouz gozci daengj caet giz langhbaij. Gyoengqde lij hai Aen Lundanz Lijyouz Cuengq-soeng Hwngfat Caeuq Doxyungz Cauhmoq Cunghgoz—Dunghmungz、Gaiq Daih’it Aen Daihhoih Lijyouz Vwnzva Yizcanj daengj 10 lai ciengz ciendaez hozdung. Lij dem lai le giz langhbaij gij roknda youq rogranz lijyouz vunzlai cungj yinx haenx, baij ok doengh aen anqlaeh gij gisuz roknda vwnzva caeuq lijyouz daengx guk ndaej daezsang cix ndei de.

(Lungz Dauh/龙涛)

► Hekyouz yawj doxgaiq feihyiz.



▲ 10 nyied 15 hauh, vunzlai swnh cuengq gyaj daeuj neix yawj saw、genj saw.

Denzyangz Gih:

Aen Hozdung Goeng’ik Daengx Biengz Doegsaw Gig Yinx Vunz

田阳区:

全民阅读公益活动受欢迎

10 nyied 11 hauh daengz 23 hauh, Bwzswz Si Denzyangz Gih guh aen hozdung goeng’ik daengx biengz doeg saw “doegsaw lingx funghsang, saw hom youq Gvangjsih”. Yienhciengz baijgai saw leih minz daengj, guh dajciet hawj vunzlai cawx saw engq cienh. Neix yinx le gyoengqvunz daeuj henzdan gai saw haenx yawj saw、genj saw, guh ok gij fwnhvez maij doegsaw、doeg saw ndei、rox doegsaw de.

(Vangz Gozsun/黄国顺)

Vunzlai Gak Minzcuz Song Aen Swngj(Gih) Seiq Aen Yienh Caez Eu Fwen Huzndei

两省(区)四县各族群众齐奏和谐曲

10 nyied 12 hauh, Yungzsuij Myauzcuz Swciyen Bwzyinz Yang Mbanjbaujgyangh Mbanjmyauz Goujngoz guh gaiq daihngaih “cietceiz” beij byawz boq aenvenz engq yiengi, yinx daeuj 230 aen doih aenvenz camgya. Vunzlai gak minzcuz daj gij yanghcin seiqhenz gyawj、Sanhgyangh Dungeuz Swciyen caeuq Gveicouh Swngj Cungzgyangh Cin、Lizbingz Yen daengj Gvangjsih、Gveicouh song aen swngj(gih)seiq aen yienh daeuj neix, doxgyau dinfwnz boq aenvenz, coicaenh gak minzcuz “samgyau” caeuq minzcuz doxgiet, couqmaenh gij eiqsik caezcaemh Cunghvaz Minzcuz.

(Lanz Gunh/兰堃)



▲ Yienhciengz haujlai vunz caenj dwk yawj doxdax.

Youh Dwg Bi Ndeu Ndaej Sou Lai

又是一个丰收年



▲ Aen gih sou haeux youq ndaw nazhaeux gvej haeux nyaengqfoedfoed.

Bineix, Mungzsanh Yen haenqrengz ca guh haeux-liengz nungzyez swnghcanj, aeu gohyoz gisuz ung gomiuz, dazyinx bouxguhnaz lai ndaem haeux, guenj ndei seizlawz coq raemx naz seizlawz dwkbwnh, ndigah haeuxlaeng ndaej ok lai sou lai. 10 nyied 15 hauh, vunzmbanj dieg de aeu aen gih sou haeux ca gaenj ciengjsou haeuxlaeng, hawj haeuxliengz ndaej gipseiz coux cang.

(Gyangh Yungjluz/江永录 Vangz Vwnzvaz/黄文华)